

L. h. 130

A) Bon -

webst 2/14)

PK

4

Warhafftiger Bericht
Vnd kurze Beschreib-
ung/ des Grossen vnd Erschrecklichen
Wunderzeichens/ So sich am heiligen Ostertag/ den
19. Aprilis/ dieses ihlauffenden 84. Jars/ an der
Sonnen begeben/ vnd hat sehen lassen/ zu morgens
frü/ zwischen 5. vnd 6. Uhr. Bey dem Dorff zeyern/
in die Pfleg vnd Hauptmanschafft der Stade
Gronach gehörig/ Desgleichen zu
Meinrod/ vnd anderswo
mehr/ geschehen.

Durch

La 170
Wilhelm Pleklein/ Pfarrherrn
zu Zeyern.

Tobie Cap. XII,

Der Könige vnd Fürsten Rath vnd
Heimlichkeit/ soll man verschweigen/
Aber Gottes Wunder vnd Werck/
sol man herrlich preisen vnd offenbaren.

IN

Vff dis jzt Beget-
wertiges Ein Tausend/
Sunffhundert/ vnd Vier
vnd Achtzigste Jahr/
nach Christi vnsers Sel-
igmachers Geburt/ am
Heiligen Ostertag/ den
19. Aprilis/ zu frue mor-
gens/ ehe die Sonne auffgegangen/ Sind inn die vnze-
liche viel Manns vnd Weibs personen/ Junge Gesel-
len vnd Jungfrauen/ aus vnserem Dorff Zeyern/ auff
einen hohen Berg/ das Kündelst genand/ gegangen/
vnd sehen wollen / Wie die liebe helle Sonnen/ am frö-
lichen Ostertag sprünge/ Vnd sie dabey möchten gewis
sein/ Das der alte Ostertag noch der rechte were.

Vnd nach deme nun die liebe Sonne daher gehet/ ist
sie als gros als ein gewaltige Khuffen anzusehen/ da-
her gegangen/ vnd Blutrot gewesen/ vnd lenger denn
eine halbe Stunde/ in einem Zirckel/ so schnell gelauffe/
das ihnen das Gesicht vergangen.

Vnd nach demselbigen lauffen/ ist das Feuer als
Khuffen gros/ aus der Sonnen/ auff die Erden nider-
gefallen/ das man nicht anderst vermeinet/ als brenne
der ganze Erdboden.

U ij

Vnd

Vnd im selbigen Feuer/ hat die Sonne drey Blut-
rote Feuerstralen von sich gegeben/ Einen vff der rech-
ten seitten/ Vnd einen auff der lincken seitten/ Den drit-
ten oben vber sich hinaus gestreckt.

Aber nach dem allen/ da die Feuerstralen/ vergangen
en/ ist es widerumb fein hell vnd liecht worden vmb die
Sonnen/ vnd gar kein gewülcken mehr gewesen.

Hat sich als bald dis selkham vnd vormals vnerhör-
te Wunderwerck begeben vnd zugetragen/ Das nem-
lich die gantzen Laibe Brots/ aus der Sonnen hauffen-
weis darnider vff die Erden gefallen/ Das man den
Himmel vor den Laib Broten/ kaum hat sehen können.

Vnd in deme die guten frommen Leute vnd Christen
gestanden/ vnd sich hart vber solchem Wunderwerck
entsetzet/ vnd der wegen betrübt vnd erschrocken/ Ist
als balden vber ihnen auff dem Berg/ da sie gestanden/
das Brot auch vom Himmel herunter gefallen / dz es et-
lichen Personen/ aller nehest bey den Heupten niderge-
fallen. Vnd sind die Laibe Brots auff dem Felde geles-
gen/ das man kein Feld vor den Laib Broten hat sehen
können. Vnd ist vberaus schön/ gelb/ vnd braun anzuse-
hen gewesen/ als irgend ein Beck immer so schön ba-
cken kan. Vnd so sie darnach gegriffen/ vnd auffheben
wollen/ ist es ihnen vnter den Henden verschwunden.

Vnd

Vnd ist dieses Wunderzeichen am Sonnabend zu
uorn/ als nemlich den 18. Aprilis/ nicht fern von vns/
auch gesehen worden/ Das die Laib Brots vom Him
mel ins Wasser gefallen/ Das das Wasser bedeckt mit
Brot geflossen. Vnd die jenigen/ so auff dem Wasser
gefahren/ vnd geflossen/ habens vor inen/ vnd hinter ih
nen gesehen/ Vnd so sie darnach gelanget vnd nemen
wollen/ ist es auch verschwunden/ aller massen vnd ge
stalt/ wie oben gemeldet/ Welches vnzeliche viel Perso
nen allenthalben gesehen haben.

Nun bezeuget aber die gewisse Erfahrung/ das solche
Zeichen/ auch heimliche/ vnd in der Natur verborgene
Bedeutungen haben/ Vnd allezeit etwas schreckliches
darauff erfolget ist/ Solches kan ein jeder selbst in den
Chronicken vnd Geschichtbüchern/ finden vnd lesen.

Ist derwegen kein zweiffel/ das dis ge
genwertige vnerhörte Wunderzeichen/ nicht vergeblich
oder vmbsonst von Gott de Allmechtigen/ in die Son
nen vnd Luft gesetzt worden. Welches Bedeutung vñ
wirkung/ wir villeicht hernacher allzubald erfaren wer
den. Vnd ist zubeforgen/ das vns der Allmechtige Gott
vmb vnser grossen manigfaltigen Sünden/ die wir lei
der begehen vnd thun/ vnd die Göttlichen gaben aus
der Milden Hand Gottes/ zu vnserm vberflüssigen
Sauffen vnd fressen mißbrauchen/ Vnd Gott den All
mechtigen noch wol dazu schenden/ vnd auff's ärgste
schmehen/

schmehen/ Auch die Gottlosen reichen Geitzroenste/ die
liebe Armut zum höchsten beschweren / verderben vnd
verhergen/ vnd kein herzhliche Christliche Liebe an inen
beweisen/ Dardurch verursachē/ das er geistlichen vnd
leiblichen Hunger/ geschwinde ihewre Zeit/ vnd andere
Plagen vñ Straffen mehr/ vns vber den Hals werffen
wird/ Auch dz liebe tegliche Brot entzückē/ vnd vff dem
Tisch vnd in dem Munde verschwinden vñ zurinē las-
sen/ das wir es nicht geniessen noch bekommen mögen.

Darumb ein jeder Mensch/ wes stands/
Wesens derselbige ist/ in ansehung vnd Betrachtung
dises/ vnd anderer mehr schrecklichen Wunderzeichen/
auch der ernstest Droungen/ so in Prophetischen vnd
Apostolischen Schrifften/ wider die Sünde gerichtet/
vnd vns geoffenbaret sein/ hohe vñ grosse vrsachen hat
sich von Sünden zubekehren/ den Allmechtigen Gote
vmb Gnade/ vñ vergebung der Sünden zubitten/ Vnd
in ein Christliches vnd Buesfertiges Leben zutreten.
Wo wir solchs thun werden/ wird sonder allen zweif-
ffel/ der Barmherzige Gott/ das trübe Wetter/ wel-
ches mit seinen dicken finstern Wolcken/ vns je lenger
je mehr kömpt/ von vns gnediglichen abwenden. Vnd
also den gefastest Zorn/ vnd wolverdiente Straff/ wi-
der vnser Sündlich Leben / wo nicht gar hinweg ne-
men/ doch aus Göttlicher güte vnd Barmherzigkeit/
väterlichen mildern vnd lindern/ Vmb Jesu Christi
seines lieben Sons/ vnser Erlösers
vnd Heilands willen/ Amen.

Doctor Mart. Luther. vber das Euange-
lium des 2. Sontags im Aduent/ Luce 21. in
der 2. Predigt/ zu Jena gedruckt.

Diese Weise hat vnser Herr Gott all-
wege gehalten/ von anfang der Welt her/ Wenn
er hat wollen etwas Neues machen/ So hat er
sondere grosse Zeichen lassen vorher gehen. Als da er
Egypten straffen/ vnd sein Volck ausführen/ vnd ein
sonder Volck draus machen wolte/ Da gingen allerley
herrliche Zeichen/ böß vnd gut/ vorher.

Böse/ als da er die Egypter straffet mit Fröschen/
Hewschrecken/ Hagel/ Geschwer/ vnd dergleichen/ bis
er zu letzt alle Erste Geburt in einer Nacht erwürget/
Vnd das vbrige Volck im Roten Meer erseuffet.

Gute/ Als da er grosse Wunderwerck that bey den
Juden/ Sie trucken durch das Rote Meer führet/ Ire
Feinde darinnen erseuffet/ vnd ihnen Himmelbrot gab/
vnd dergleichen. Solches war ein Anzeigung/ Das
Gott etwas Neues mit diesem Volck anfangen/
vnd ein Regiment vnd Wesen
stifften wolt.


Gedruckt zum Hoff/ durch Matt-
theum Pfeilschmidt.

Den 30. Aprilis/ Anno etc. 1 5 8 4.

Faint, illegible text, likely bleed-through from the reverse side of the page. The text is arranged in several lines and appears to be in a historical script, possibly Latin or German.








ALV





4

ger Berichte
Beschreib=
und Erschrecklichen
am heiligen Ostertag/ den
fenden 84. Jars/ an der
t sehen lassen/ zu morgens
r. Bey dem Dorff zeyern/
manschaft der Stade
/ Desgleichen zu
d anderswo
eschehen.

LA 170

rch
in/ Pfarrherrn
hern.

sp. XII,

o Fürsten Raht vund
oll man verschweigen/
Wunder vnd Werck/
en vnd offenbaren.

